

旨意板榜日照雨霖脫落在地朽爛不雇軍民將貨物排列堆架
在地穢污不堪視嚮如市如蒙乞

勅都察院脩榜行各衙門將板榜亭修理遵守將欽奉

聖旨事理榜文重新刊版明白懸掛曉諭使人欽遵不許軍民將
貨物在內變賣擦損庶得法度巡行人知驚悞

前件行都察院禁約

作踐東西公生門并東西朝房前後街道者

問罪枷號例

成化十七年十月十六日都察院右都御史戴 等

題為禁約事准工部咨管膳清吏司案呈

內府抄出內官監太監張興題即今蓋造

公生門并朝房已完臣看得東西公生門并朝房俱係官民
往來之路百官待漏朝參處所有等看房之人不畏

法度帶同家小住坐及容留閑雜人等在房蒸造酒

食寄放板箱貨物在彼營運買賣不謹風火以致燒毀

房屋即今修蓋所用人工木石等料動以萬計方得完

備况又有等不知禮法官員人等時常在於門廊下拴

放馬匹拋撒穢污作踐要行工部錦衣衛各差官員

并該管地方御史督同兵馬官吏火甲人等巡視拿問

及行都察院出榜禁約等因具題該工部尚書劉
等於

奉天門欽奉

聖旨是該衙門知道欽此欽遵抄出到部除本部及行錦衣衛各

委官巡視外合行移咨前去煩照奏奉

欽依內事例欽遵出榜曉諭仍行巡城御史一体欽遵禁約施行
外照得東西公生門及各

朝房前後街道委係文武百官往來趨

朝及四夷入貢瞻仰行處其看朝房等項無知官吏軍舍人
等往往視為泛常帶領家小及頑潑之徒或做造酒
食或等放貨櫃或開設小肆或停放馬駝或取工作
坯或撒放作穢等項作踐非上一端誠如太監張興所
言欲便出榜給文於東西

公生門并東西

朝房常川張掛曉諭多人今後如有似前故違在彼作踐踏
者許巡視御史等官緝事校尉及兵馬司官吏火甲
人等拿送法司治以重罪仍於作踐去處枷號一月示
衆滿日發落廢使頑潑知所警惧而公僻潔淨不致
損壞具題次日奉

聖旨是欽此